

成
方
切
用

吳氏醫學述第四種

門人周蘭九生庭

武原吳儀洛遵程輯

男

有榆蒼培同較
有杜雋望

成方切用

補養門

凡氣虛者宜補其上。人參黃耆之屬。精虛者宜補其下。熟地枸杞之屬。陽

虛無火者宜補而兼清。門冬芍藥生地之屬。陰虛有火者宜補而兼清。門冬芍藥生地之屬。此固陰陽之治法也。其有氣因精而虛者。自當補氣以生精。又有陽失陰而離者。不補陰何以收散亡之氣。水失火而敗者。不補火何以甦垂寂之

仲景云氣
虛有痰宜
腎氣丸補
而逐之
吳葵山云
八味丸治

陰此又陰陽相濟之妙用也故善補陽者必
於陰中求陽則陽得陰助而生化無窮善補
陰者必於陽中求陰則陰得陽升而泉源不
竭是故以精氣分陰陽則陰陽不可離以寒
熱分陰陽則陰陽不可混此又陰陽邪正之
離合也大凡陽虛多寒者宜補而兼溫而清
潤之品非所宜陰虛多熱者宜補以甘涼而
辛燥之類不可用知宜知避則不惟用補而
方制皆可得而貫通矣

崔氏八味丸

金匱

治命門火衰不能生土以致脾

胃虛寒飲食少思泄瀉腹脹或元陽虛憊陽痿
精寒臍腹疼痛夜多漩溺膝痠腰軟目昏等證
王冰所謂益火之原以消陰翳也尺脈弱者宜

參之本也

之者服之亦有力

熟地黃用懷生地水洗去砂土柳木甑砂鍋上蒸一日曬乾再蒸再曬九次為度臨月

搗膏八兩山萸肉陳者酒潤懷山藥四兩茯苓拌乳丹皮澤

瀉三兩肉桂去皮熟附子一兩蜜丸洛謂蜜性甘緩易豬腎煮爛為

九更得空心鹽湯下

吳鶴皋曰腎中水火俱虧者此方主之李士材

兩枚皆屬於水初無水火之別仙經曰兩腎一般無二樣中間一點是陽精兩腎中間穴名命

門相火所居也一陽生於二陰之間所以成乎坎而位乎北也趙養葵曰君子觀象於坎而知

腎中具有水火之道焉夫一陽居於二陰為坎此人生與天地相似也今人入房甚而陽事易

亦有火盛而宗筋弛緩者不可不知

又用以治婦人轉胞亦同此義

舉者陰虛火動也。陽事先痿者。命門火衰也。真水竭。則隆冬不寒。真火息。則盛夏不熱。是方也。六味皆濡潤之品。所以能壯水之主。桂附辛潤之物。能於水中補火。所以能益火之原。水火得其養。則腎氣復其天矣。喻嘉言曰。金匱用八味丸。治腳氣上入少腹。不仁者。腳氣即陰氣。少腹不仁。即攻心之漸。故用之以驅逐陰邪也。其虛勞腰痛。少腹拘急。小便不利。則因過勞其腎。陰氣逆於少腹。阻遏膀胱之氣化。小便不能通利。故用之以收腎氣也。其短氣。有微飲者。飲亦陰類。阻其胸中之陽。自致短氣。故用之以引飲下出。以安胸中也。消渴病。飲水一斗。小便亦一斗。此腎氣不能攝水。小便恣出。源泉有立竭之勢。故急用以逆折其水也。夫腎水下趨。則消腎氣不。上騰。則渴。非用此以熱護封藏。蒸動水氣。曷從治哉。後人謂八味丸治消渴之聖藥。得其旨矣。按八味地黃丸。主用之味。為桂附。即坎卦之一陽畫也。非此。即不成坎矣。附雖三焦。命門之藥。

而辛熱純陽通行諸經走而不守桂爲少陰之藥宣通血脈性亦竄發二者皆難控制必得六者純陰厚味潤下之品以爲之導而後能納之九淵而無震盪之虞今人不明此義直以桂附爲腎陰之定藥離法任意而雜用之酷烈中上燥涸三陰爲禍非尠也或曰仲景治少陰傷寒用附者十之五非專爲保益腎陽耶曰仲景爲陰邪盛在諸經非溫經不能驅之使出附子爲三焦命門辛熱之味故用以攻諸經之寒邪意在通行不在補守故太陰之理中厥陰之烏梅以至太陽之乾薑附子芍藥桂枝甘草陽明之四逆無所不通未嘗專泥腎經也唯八味丸爲少陰主方故亦名腎氣列於金匱不入傷寒論中正唯八味之附乃補腎也桂逢陽藥則爲汗散逢血藥卽爲溫行逢泄藥卽爲滲利與腎更疎亦必八味丸之桂乃補腎也故曰當論方不當論藥當就方以論藥不當執藥以論方此方主治在化元取潤下之性補下治下制以

急。茯苓澤瀉之滲瀉正。所以急之。使直達於下也。腎陰失守。湯燎於上。欲納之復歸於宅。非借降泄之勢。不能收攝寧靜。故用茯苓之淡泄。以降陰中之陽。用澤瀉之鹹瀉。以降陰中之陰也。此方加減之法。唯立齋最精。當從醫案中細體之。方悟其變化處。一錢不走之妙。有腎虛火不歸經。大熱煩渴。目赤唇裂。舌上生刺。喉如煙火。足心如烙。脈洪大無倫。按之微弱者。宜十全大補湯吞八味丸。或問燥熱如此。復投桂附。不以火濟火乎。曰。心胞相火附於命門。男以藏精。女以繫胞。因嗜慾竭之。火無所附。故厥而上炎。且火從腎出。是水中之火也。火可以水折。水中之火。不可以水折。桂附與火同氣。而味辛。能開腠理。致津液。通氣道。據其窟宅。而招之。誘之。同氣相求。火必下降矣。然則桂附者。固治相火之正藥歟。八味丸用澤瀉。冠宗奭謂其接引桂附歸就腎經。李時珍曰。非接引也。茯苓澤瀉。皆取其瀉膀胱之邪氣也。古人用補必兼瀉邪。

邪去則補藥得力。一闢此乃元妙。後世不知此理。專一於補。必致偏勝之害矣。洛按此亦爲虛中挾邪滯者設。爾若純虛之證。而兼以滲利未免。免減去藥力。當用右歸丸。或右歸飲。

加五味鹿茸名十補丸。治兩尺微弱。陰陽俱虛。

右歸丸

景岳

治元陽不足。或先天稟衰。或勞傷過

度。以致命門火衰。不能生土。而爲脾胃虛寒。飲食少進。或嘔惡膨脹。或反胃噎膈。或卻寒畏冷。或臍腹疼痛。或大便不實。瀉痢頻作。或小便自遺。虛淋寒疝。或寒侵谿谷。而肢節痛痺。或寒在下焦。而水邪浮腫。總之真陽不足者。必神疲氣

怯或心跳不寧或四肢不收或眼見邪祟或陽
衰無子等證速宜益火之原以培右腎之元陽
而神氣自強矣八味丸治之不愈者宜服此或
用右歸飲凡八味右歸用桂附等方唯肺陰有
餘者宜之否則助火燦金反生肺病
大懷熟八兩山藥山萸肉枸杞菟絲製杜
仲黃湯炒鹿角膠炒珠四兩當歸三兩便附子製肉桂
二兩右丸法如前或丸如彈子大每嚼服二三
丸白湯下其効尤速如陽衰氣虛必加人參
以爲之主或二三兩或五六兩隨人虛實以爲

增減蓋人參之功。隨陽藥則入陽分。隨陰藥則入陰分。欲補命門之陽。非加人參不能捷效。如陽虛精滑或帶濁便溏。加補骨脂酒炒三兩。如飧泄腎泄不止。加五味子三兩。肉苁蓉三兩。麴炒去油用。如飲食減少或不易化或嘔惡吞酸。皆脾胃虛寒之證。加乾薑三四兩炒黃用。如腹痛不止。加吳茱萸二兩湯泡半日炒用。如腰膝痠痛。加胡桃肉連皮四兩。如陰虛陽痿。加巴戟肉四兩。肉苁蓉三兩。或加黃狗

外腎一二副以酒煮爛搗入之

右歸飲

景岳

此益火之劑也凡命門之陽衰陰勝

者宜此方加減生之如治陰盛格陽真寒假熱

等證宜加澤瀉二錢煎成用涼水浸冷服之尤

妙

熟地

三四錢或加至一二兩

山藥

炒

杜仲

薑製

枸杞

錢二

炙甘

草

錢一二

肉桂

錢一二

製附子

錢一二

萸肉

錢一

水二

盞煎七分食遠服

如氣虛血脫或厥或昏或

汗或運或虛狂或短氣者必大加人參白朮隨

宜用之。如小腹多痛加吳茱萸六七分。如火衰不能生土為嘔噦吞酸者加炮薑二三錢。如陽衰中寒泄瀉腹痛加人參肉苳蔻隨宜用之。如淋帶不止加破故紙一錢。如血少血滯腰膝軟痛者加當歸二三錢。

六味地黃丸

仲陽

治肝腎不足真陰虧損精血枯

竭憔悴羸弱

腰痛足痿自汗盜汗水泛為痰

日久病陰火上升津液生痰不生

發熱咳嗽虛

血宜補血以制相火其痰自除。則移熱於肺而咳嗽按之至骨。其熱烙手。骨困不任為腎熱。

頭暈目眩

淫慾過度。腎氣不能歸元。此氣虛頭運也。吐血崩漏。肝不攝血。致血妄行。此血虛頭運也。耳

鳴耳聾遺精便血消渴淋瀝失血失音舌燥喉

痛虛火牙痛足跟作痛下部瘡瘍等證諸證皆由腎水

不足虛火上炎所致

熟地

八兩

山茱肉

酒潤

山藥

四兩

茯苓

乳拌

丹皮

澤瀉

三兩

右丸法如前空心鹽湯下

腎中水虛不能制火者此方主之今人足心熱

陰股熱腰脊痛率是此證乃咳血之漸也熟地

滋陰補腎生血生精山黃溫肝逐風瀉精秘氣

牡丹瀉君相之伏火涼血退蒸

時珍曰伏火即陰火也陰火即

相火也世人專以黃蘗治相火不知丹皮之功更勝丹皮能入腎瀉陰火退無汗之骨蒸

山藥清虛熱於肺脾補脾固腎

能瀉精

茯苓滲脾

中濕熱而通腎交心澤瀉瀉膀胱水邪而聰耳

明目壯水之主以制陽光即此方也

六味地黃丸純陰重

味潤下之方也純陰腎之氣重味腎之質潤下

腎之性非此不能使水歸其壑其中只熟地一味為本藏之主然遇氣藥則運用於上遇血藥

則流走於經不能制其一綫入腎也故以五者

佐之山藥陰金也坎中之艮堅凝生金故入手

太陰能潤皮膚水發高原導水必自山山藥堅

少腹之土真水之原也水土一氣鎮達臍下山

茱萸陰木也肝腎同位乎下借其酸澀以斂泛

溢。水。火。升。降。必。由。金。木。為。道。路。故。與。山。藥。為。左。右。降。下。之。主。以。制。其。旁。軼。二。者。不。相。離。觀。李。朱。拆。用。二。味。於。他。方。可。悟。也。丹。皮。本。手。足。少。陰。之。藥。能。降。心。火。達。於。膀。胱。水。火。封。居。瀉。南。即。益。北。而。又。有。茯。苓。之。淡。泄。以。降。陽。澤。瀉。之。咸。世。以。降。陰。疏。瀉。決。排。使。無。不。就。下。入。海。之。水。此。制。力。之。微。旨。也。仲。景。原。方。以。此。六。者。駕。馭。桂。附。以。收。固。腎。中。之。陽。至。宋。錢。仲。陽。治。小。兒。行。遲。齒。遲。腳。軟。顛。開。陰。虛。發。熱。諸。病。皆。屬。腎。虛。而。小。兒。稚。陽。純。氣。無。補。陽。之。法。乃。用。此。方。去。桂。附。用。之。應。手。神。效。明。薛。新。甫。因。悟。大。方。陰。虛。火。動。用。丹。溪。補。陰。法。不。驗。者。以。此。代。之。立。應。自。此。以。來。為。補。陰。之。神。方。矣。趙。養。葵。得。力。於。薛。氏。醫。案。而。益。闡。其。義。觸。處。旁。通。外。邪。雜。病。無。不。貫。攝。而。六。味。之。用。始。盡。矣。趙。氏。作。醫。貫。專。用。此。湯。大。劑。療。病。且。云。即。以。傷。寒。口。渴。言。之。邪。熱。入。於。胃。腑。消。耗。津。液。故。渴。恐。胃。汁。乾。急。下。之。以。存。津。液。其。次。者。但。云。欲。飲。水。者。不。可。不。與。不。可。多。與。別。無。治。法。縱。有。

治者徒知以苓連梔檳麥冬五味花粉甚則石膏知母此皆有形之水以沃無形之火安能滋腎中之真陰乎若以六味地黃大劑服之其渴立愈何至傳至少陰而成燥實堅之證乎

加黃檳知母各二兩名知檳八味丸治陰虛火

動骨痿髓枯因下焦尺脈旺者宜之朱丹溪曰君火者心

火也人火也可以水滅可以直折黃連之屬可以制之相火者天火也龍雷之火也陰火也不

可以水淫折之當從其類而伏之唯黃檳之屬可以降之醫貫曰左尺脈虛細數者是腎之真

陰不足宜六味丸以補陰右尺脈沉細數者是命之相火不足宜八味丸以補陽至於兩尺微

弱是陰陽俱虛宜十補丸此皆滋先天化源自世之補陰者率用知檳反戕脾胃多致不起不

能無憾故特表而出之又曰王節齋云凡酒色過度損傷肺腎真陰者不可過服參耆服多者

戊子月補
六味地黃丸

死。蓋恐陽旺而陰消也。自此說行。而世之治陰虛咳嗽者。視參耆如砒鴆。以知榮爲靈丹。使患此證者。百無一生。良可悲也。蓋病起房勞。真陰虧損。陰虛火上故咳。當先以六味丸之類。補其真陰。使水升火降。隨用參耆救肺之品。補腎之母。使金水相生。則病易愈矣。世之用寒涼者。固不足齒。間有知用參耆者。不知先壯水以制火。而遽投參耆以補陽。反使陽火旺而金益受傷。此不知後先之著者也。加桂一兩。名七味地黃丸。引無根之火降而歸元。治肝經氣虛筋無所養。變爲寒證。以致筋骨疼痛。腳軟懶行。及傷寒服涼藥過多。木中無火。手足牽引。肝經血虛。以致火燥筋攣。變爲結核癰癰等證。經曰辛以潤之。此方是

也加五味名都氣丸治勞嗽益肺之源以生腎水也加肉

桂一兩五味二兩名加減八味丸治腎水不足

虛火上炎發熱作渴口舌生瘡或牙齦潰爛咽

喉作痛或形體憔悴寢汗發熱五臟齊損加五

味二兩麥冬三兩名八仙長壽丸治虛損勞熱

加杜仲薑炒牛膝酒洗各二兩治腎虛腰膝痠痛去

澤瀉加益智仁三兩鹽酒炒治小便頻數益智辛熱瀉精

固用熟地二兩山藥山萸丹皮歸尾五味柴胡

各五錢扶神澤瀉各二錢半蜜丸硃砂爲衣名

益陰腎氣丸即明目地黃丸東垣治腎虛目昏加柴胡者所以升陽

也於上加柴胡五味白朮當歸甘草名滋腎生肝

飲治血虛氣滯或肩背絆痛或胃脘當心而痛

或肝火鬱於胃中以致倦怠嗜臥飲食不思口

渴咽燥及婦人小便自遺頻數無度凡傷寒後

熱已退而見口渴者用之薛氏用治婦女鬱怒

傷肝脾以致小便淋瀝不利月經不調兩脇脹

悶小腹作痛寒熱往來胸乳作痛左關弦洪右

關弦數此鬱怒傷肝脾血虛氣滯為患高鼓峯曰六味

九薛氏一變而為滋腎生肝飲。用六味減半分兩。而加柴胡五味。白朮當歸甘草。合逍遙而去白芍。加五味。合都氣意也。以生肝。故去芍藥。而留白朮甘草。以補脾。補脾者。生金以制木也。以制為生。天地自然之序也。去山萸而加柴胡歸尾生地五味。辰砂為衣。名滋陰腎氣丸。治目神水寬大漸散。或如霧露中行。漸觀空中有黑花。視物二體久則光不收。及內障神水淡白色。高鼓峯曰。又一氣丸。獨去山萸萸。而加柴胡歸尾生地五味。仍合逍遙都氣。腎肝同治。用歸尾生地者。行瘀滯也。柴胡疎木氣也。去芍藥。恐妨於行之疎之也。名滋陰者。厥陰也。皆用五味者。雖合都氣。然實防木之反尅。瀉丁之義也。去澤瀉而用參耆歸去山萸萸。不欲強木也。

木陳皮甘草五味麥冬名人參補氣湯治腎水

不足虛火上炎咳嗽膿血發熱作渴小便不調

等證高鼓峯曰又一變而爲人參補氣湯其義愈變化無窮真有游龍戲海之妙夫白木

之與六味其功相反焉得合之曰從合生脈來則有自然相通之義借茯苓以合五味異功之

妙用歸者以合養血之奇其不用澤瀉者蓋爲發熱作渴小便不調則無再竭之理理無再竭

便當急生脈之所由來既當生脈異功之可以轉入也且水生高原氣化能出肺氣將敗故

作渴不調此所以急去澤瀉而生金滋水復崇土以生金其苦心可不知哉

柴胡五味復等其分名加味地黃丸又名抑陰

地黃丸治肝腎陰虛耳內痒痛出水或眼昏痰

喘或熱渴便澀等證

高鼓峯曰又一變而為加味地黃丸真愈出而愈奇

矣柴胡從逍遙來生地從固本來五味仍合都氣其曰耳內痒痛出水或眼昏痰喘或熱渴便澀而總為肝腎陰虛則知陰虛半由火鬱而致也故用柴胡以疎之鬱火非生地不能涼故用生地用五味仍瀉丁以補金補金以生水也曰抑陰為鬱火太盛非疎之不可疎之所以抑之生地涼血使有瀉義加五味生地當歸名抑陰瀉之所以抑之也

腎氣丸治諸臟虧損胸膈痞悶發熱潮熱晡熱

或寒熱往來五心煩熱或口乾作渴月經不調

或筋骨痠倦飲食少思或頭目不清痰氣上壅

咳嗽晡甚或小便赤數兩足熱痛或腰膝痠軟

肢體作痛等證

高鼓峯曰。又一變而為抑陰腎氣丸。加五味。仍合都氣。生地當

歸二味。則從四物湯來。何也。其列證有發熱潮

熱。晡熱。肝血虧矣。焉可再以柴胡疎之哉。最妙

在胸膈痞悶一句。緣此證之悶。是肝膽燥火。閉

伏胃中。非當歸生地合用。何以消胸中之火。而

生胃陰。若用柴胡。便為逍遙。入肝膽。不能走胃

陰矣。一用柴胡。一不用柴胡。流淫潤燥之義。判

若天淵。微。去澤瀉。加川楝子。當歸。使君子。川芎

乎。微乎。以赤茯苓換白茯苓。名九味地黃丸。治腎疝。高

峯曰。又一變而為九味地黃丸。川楝子。使君子

川芎。盡是直瀉厥陰風木之藥。仍是肝腎同治

之法。緣此疝必有蟲。皆風木之所化。是肝有可

攻之理。但伐其子。則傷其母。故用六味以補其

母。去澤瀉者。腎

不宜再洩也。加柴胡芍藥名疎肝益腎湯。治

胃脘痛而大便燥結者此肝血虛也逍遙散所

不愈者此方妙

高鼓峯曰趙氏以爲六味加減

其悟端而以上變化。繫未透其根底。故盡廢而不能用。見其能合當歸柴胡而去芍藥。則反用芍藥爲疎肝益腎。此則其聰明也。乃謂白朮與六味水土相反。人參脾藥不入腎。其論亦高簡嚴密。然細參薛氏畢竟趙氏拘淺。薛氏諸變法似乎寬活。然其實嚴密。學者當善悟其妙。而用意通之。大旨以肝腎爲主。而旁救脾肺脾肺加安頓。則君相二火不必提起。而自然帖伏。矣。

當歸芍藥柴胡棗仁山梔名滋水清肝飲治胃

脘燥痛氣逆左脇上嘔吐酸水忽熱忽止等證

鼓峯造滋水清肝飲取地黃丸之探原而不隔於中取生黃湯之降火而不犯於下真從來所

未及也。按六味乃純陰藥。唯陽氣有餘。胃強脾健者宜之。氣虛脾弱者服之。必食減增病。

左歸丸

景岳

治真陰腎水不足不能滋養營衛漸

至衰弱或虛熱往來自汗盜汗或神不守舍血不歸原或遺淋不禁或口燥舌乾或腰痠腿軟或昏運眼花耳聾凡精髓內虧津液枯竭等證俱宜速壯水之主以培左腎之元陰而精血自充矣此方主之

大懷熟

八兩

山藥

萸肉

枸杞

菟絲子

製

鹿

角膠

敲碎兩

牛膝

酒洗蒸熟三兩

龜膠

切碎炒珠四兩

無火者不用。

丸法如前每食前滾清湯或淡鹽湯

送下百餘丸

如純陰失守虛火上炎者宜用

純陰至靜之劑於本方去鹿膠枸杞加女貞子

麥冬三兩

如火燥肺金乾枯多嗽者加百合

三兩

如氣虛者加人參三四兩

如大便燥

結去菟絲子加肉苁蓉三兩如血虛微滯加當

歸四兩

如腰膝痠痛加杜仲三兩鹽水炒用

如臟平無火而腎氣不充者加破故紙三兩

蓮肉

去心

胡桃肉各四兩龜膠不必用

右凡五

液皆主於腎故凡屬陰分之藥無不皆走腎有謂必須導引者皆見之不明爾

左歸飲

景岳

治腎水乾枯虛火上蒸脾胃陰土受

虧以致飲食不進大便燥結甚至三陽癰閉將成噎膈治之於早無不愈也嘗以此方加歸芍治傷寒舌黑唇焦大渴引飲此必服攻伐寒涼之藥過多也此方救之治瘧疾而兼燥證熱重寒輕者此方更宜

熟地

三四錢或加至一二兩

山藥

甘枸杞

二錢

茯苓

錢半

炙

甘草

錢一 莢肉

者一二錢畏酸

如肺熱而煩者加

麥冬二錢

血滯者加丹皮二錢

心熱而躁

者加元參二錢

血熱妄動者加生地三四錢

陰虛不寧者加女貞子二錢

上實下虛者

加牛膝二錢以導之

血虛而燥滯者加當歸

二錢

脾熱易饑者加芍藥二錢

腎虛骨蒸

多汗者加地骨皮二錢

此壯水之劑乃一陰

煎四陰煎之主方也

按六味乃虛中挾溼熱而滯者宜之若純虛者無取

澤瀉之泄丹皮之涼也宜以此甘純之劑平補之

一陰煎景岳

此治水虧火勝之劑故曰一陰凡腎

水真陰虛損而脈證多陽虛火發熱及陰虛動
血等證或瘧疾傷寒屢散之後取汗既多脈虛
氣弱而煩渴不止潮熱不退者此以汗多傷陰
水虧而然也皆宜用此加減主之

熟地錢三五

生地

白芍藥

麥冬

丹參

錢二杜

仲錢半甘草錢一

如火盛躁煩者入真龜膠二三

錢化服

如氣虛者間用人參一二錢

如心

虛不眠多汗者加棗仁當歸各一二錢

如汗

多煩躁者加北五味十粒或加山藥山茱萸
如見微火者加女貞子一二錢 如虛火上浮
或吐血或衄血不止者加澤瀉一二錢茜根二
錢或加川續斷一二錢以潛之亦妙 去杜仲
丹參加知母地骨皮各一錢名加減一陰煎治
證如前而火之甚者

二陰煎

景岳

此治心經有熱水不制火之病故曰

二陰凡驚狂失志多言多笑或瘍疹煩熱失血
等證此方主之

生地錢三四 麥冬錢二三 棗仁錢二 元參 茯神 木

通錢半 黃連錢一 生甘草錢一 加燈心二十根或

竹葉亦可 如痰勝熱甚加九製膽星一錢或

天花粉一錢五分

三陰煎 此治肝脾虛損精血不足及營虛失血

等證故曰三陰凡中風血不養筋及瘧疾汗多

邪散而寒熱猶不能止是皆少陽厥陰陰虛血

少之病微有火者宜一陰煎無火者宜此方主

之

當歸

錢二三

熟地

錢三五

芍藥

酒炒

棗仁

錢二

人參

隨炙

甘草

錢一

如嘔惡者

加煨薑

三五片

汗多煩

躁加五味子

十四粒

汗多氣虛者

加黃耆

一

二錢

小腹隱痛

加枸杞

一二錢

如有脹悶

加陳皮

一二錢

如腰膝筋骨無力

加杜仲

牛

膝

四陰煎

此保肺清金之劑

故曰四陰治陰虛勞

損相火熾盛津枯煩渴咳嗽吐血多熱等證

生地

錢三四

麥冬

芍藥

百合

錢二

生甘草

錢一

沙

六

參^{二錢}茯苓^{半錢}

如夜熱盜汗加地骨皮一二錢

如痰多氣盛加貝母二三錢阿膠一二錢或

天花粉亦可

如金水不能相滋而乾燥者加

熟地三五錢

如多汗不眠神魂不寧加棗仁

二錢

如多汗兼渴加五味十四粒

如熱甚

者加黃蘗一二錢鹽水炒用或元參亦可但分

上下用之

如血少經遲枯澀不至者加牛膝

二錢

如血熱吐血加茜根二錢

如多火便

燥或肺乾咳咯者加天冬二錢或加童便亦可

如火載血上行者去甘草加炒山梔一二錢

五陰煎

景西凡真陰虧損脾虛失血等證或見清

泄未甚者所重在脾故曰五陰忌用潤滑宜此

主之

熟地

錢五七

芍藥

錢炒

山藥

錢炒二

菟豆

錢炒二三

茯苓

錢半

甘草

錢二

五味

錢二十粒

人參

錢隨宜

白朮

錢炒一

加蓮

錢

肉去心二十粒

七寶美髯丹

節邵應

治精血不足羸弱周痺腎虛

無子消渴淋瀝

遺精崩帶癰瘡痔腫等證

周身

痿痺也。由氣血不足。無子。由腎冷精衰。消渴淋瀝。由水不制火。遺精。由心腎不交。崩帶。瘡痔。由

營血

不調。

何首烏

大者赤白各一觔。去皮切。

白茯苓

乳牛

膝

酒浸同首烏第七次蒸至第九次

當歸

酒洗

枸杞

酒浸

菟絲子

酒浸

蒸各半觔

破故紙

黑芝蔴拌炒四兩淨

蜜丸鹽湯或酒下立

忌鐵器

何首烏。澀精固氣。補肝堅腎。為君。茯苓。交心腎

而滲脾。溼牛膝。強筋骨。而益下焦。當歸。辛溫。以

養血。枸杞。甘潤。而補水。菟絲子。益三陰。而強衛

氣補骨脂助命火而燮丹田此皆固本之藥使
營衛調適水火相交則氣血太和而諸疾自己
也何首烏流傳雖久服者尙寡明嘉靖間方士
邵應節進此方世宗服之連生皇子遂盛行
於世

大補元煎景岳

治男婦氣血大壞精神失守急劇

等證此回天贊化救本培原第一要方 本方

與前右歸飲出入互用

人參

補氣補陽以此爲主少則熟地補精補陰

用一二錢多則用一二兩山藥炒杜仲錢當歸二三錢若
少則用三四錢
多則用一二兩
去

之。

黃肉

一錢如畏酸者去之

枸杞

二三錢

甘草

炙一錢

如

元陽不足多寒者加附子肉桂炮薑之屬隨宜

用之如氣分偏虛者加黃耆白朮胸口多滯

者不必用如血滯者加川芎去黃肉如滑

泄者加五味故紙之類

滋陰大補丸

丹溪

溫補心腎脾胃一切虛損神志

俱耗筋力頓衰腰腳沉重肢體倦怠血氣羸乏

瘦弱食減發熱盜汗遺精白濁牙齒浮痛等證

熟地

二兩

牛膝

酒浸

枸杞

酒浸

山藥

兩

茯苓

乳拌

小茴香

杜仲

薑汁炒斷絲

遠志

去心

五味

巴戟

天

酒浸肉苁

蓉

酒浸萸肉

一兩

石菖蒲

錢五

加棗

肉蜜

丸

鹽湯

或

酒下

兩腎中間有命火乃先天之真陽人之日用云
爲皆此火也此火衰微則無以薰蒸脾胃飲食
減少而精氣日衰矣菴蓉巴戟能入腎經血分
茴香能入腎經氣分同補命門相火之不足火
旺則土強而脾能健運矣熟地枸杞補水之藥
水足則有以濟火而不亢不害矣杜仲牛膝補

腰膝以助腎扶苓山藥滲溼熱以助脾山萸五

味生肺液而固精遠志菖蒲通心氣以交腎遺精

白濁由於心腎不交大棗補氣益血潤肺強脾此陰陽平

補之劑而曰滋陰者腎為陰臟也此即楊氏還少丹去楮實

也楮實軟骨敗陽楊氏用之甚謬丹溪滅之殊得還少丹加續斷扶苓換茯神名打老兒丸

五福飲景岳凡五臟氣血虧損者此能兼治之足

稱王道之最

人參熟地隨宜當歸二三錢白朮炒錢半甘草炙一錢

加薑棗凡氣血俱虛等證以此為主或宜

溫者加薑附宜散者加柴麻升葛左右逢源無不可也宜涼者亦當隨宜加之 加棗仁二錢遠志三五分製用名七福飲治氣血俱虛而心脾為甚者

黑地黃丸

治脾腎不足房室虛損形瘦無力面

色青黃

此脾腎兩傷之證

亦治血虛久痔

氣不攝血則妄行淫熱下

流則成痔瘡古曰此治血虛久痔之聖藥

蒼朮

油浸熟地

一五

味

半乾薑

春冬一兩秋七錢夏五錢

棗

肉丸米飲或酒下

喻嘉言曰此方以蒼朮爲君地黃爲臣五味爲佐乾薑爲使治脾腎兩臟之虛而去脾溼除腎燥兩擅其長超超元筭視後人之脾腎雙補藥味龐雜者相去不已遠耶

大營煎

治真陰精血虧損及婦人經遲血少

腰膝筋骨疼痛或血氣虛寒心腹疼痛等證

當歸

二三錢或五錢

熟地

三五錢

枸杞

杜仲

二錢

牛膝

半錢

肉桂

炙甘草

一二錢

如帶濁腹痛者加故紙

一錢炒用

如氣虛者加白朮人參

中氣虛

寒嘔惡者加炒焦乾薑一二錢

小營煎

治血少陰虛此性味和平之方也

當歸

錢二熟地錢三

芍藥

山藥

枸杞

炙草

錢一

如營虛於上而為驚恐怔忡不眠多汗者

加棗仁扶神各二錢

如營虛兼寒者去芍藥

加煨薑

如氣滯有痛者加香附一二錢引而

行之

虎潛丸

治精血不足筋骨痿弱足不任地及骨

蒸勞熱

肝主筋血不足則筋痿腎主骨精不足則骨痿故步履為艱也骨蒸勞熱本乎

陰虛

黃蘗

鹽酒炒

知母

鹽酒炒

熟地

三兩

虎脰骨

酥炙一兩

龜板

酥炙四兩

瑣陽

酒潤兩半

當歸

酒洗兩半

牛膝

酒蒸

白芍

酒炒

鹽水潤二兩

羯羊肉

酒煮爛

搗丸

鹽湯下

冬加乾

薑一兩

丹溪

加乾薑

白朮

茯苓

甘草

五味

菟絲

紫河車

名補益丸

治痿

一方加龍骨

名龍虎濟

陰丹治遺洩

知藥熟地所以壯腎水而滋陰歸芍牛膝所以

補肝陰而養血牛膝又能引諸藥下行以壯筋

骨。蓋肝腎同一治也。龜得陰氣最厚，故以補陰而爲君；虎得陰氣最強，故以健骨而爲佐。用脛骨者，虎雖死猶立不仆，其氣力皆在前脛，故用以入足，從其類也。瑣陽益精壯陽，養筋潤燥，然數者皆血藥，故又加陳皮以利氣，加乾薑以通陽。羊肉甘熱，屬火而大補，亦以味補精，以形補形之義，使氣血交通，陰陽相濟也。名虎潛者，虎陰類，潛藏也。一名補陰丸，蓋補陰所以稱陽也。

凡陽勝者不必瀉，陽只補其陰以配之。陽使水、火均平，自無偏勝之患矣。

參朮膏 治中氣虛弱諸藥不應或因用藥失宜
耗傷元氣虛證蜂起但用此藥補其中氣諸證
自愈

人參 白朮 等分水煎稠湯化服之

兩儀膏 治精氣內虧諸藥不應或以剋伐太過
耗損真陰者凡虛在陽分而氣不化精者宜參
朮膏若虛在陰分而精不化氣者莫妙於此其
有未至大病而素覺陰虛者用此調元尤稱神
妙

人參

四兩或八兩

大熟地

一觔

二味用好甜水或長

流水十五碗浸一宿以桑柴文武火煎取濃汁

若味有未盡再用水數碗煎渣取汁并熬稍濃

乃入磁罐重湯熬成膏入上白蜜四兩或半觔

收之每以白湯點服若勞損咳嗽多痰加貝母

四兩亦可

天真丸

治一切亡血過多形槁肢羸飲食不進

腸胃滑泄津液枯竭久服益氣生血煖胃駐顏

精羊肉

七觔去筋膜脂皮批開入下藥末

肉苁蓉

山藥

淫者十兩

當歸十二兩酒洗

天冬去心一觔

爲末安羊肉內縛定

用無灰酒四瓶煮令酒乾入水二斗煮爛再入

後藥

黃耆

五兩

人參

三兩

白朮

二兩

爲末糯米飯作

餅焙乾和丸溫酒下如難丸用蒸餅杵丸

喻嘉言曰此方可謂長於補矣人參羊肉同功

十劑曰補可去弱。人參羊肉之屬是也。人參補氣。羊肉補形。

而茯苓山藥爲

男子之佳珍合之當歸養營黃耆益衛天冬保

肺白朮健脾而其製法尤精允爲補方之首

貞元飲

治氣短似喘呼吸促急提不能升嚥不

能降氣道噎塞勢劇垂危者常人但知爲氣急其病在上而不知二海無根并腎虧損此子午不交氣脫證也常見婦人血海常虧者最多此證宜以此飲濟之緩之敢云神劑凡診此脈必微細無神若微而兼緊尤爲可畏儻庸衆不知妄云痰逆氣滯用牛黃蘇合及青陳枳殼破氣等劑則速其危。

熟地

七八錢或一兩

當歸

二二三錢

炙甘草

一二三錢

如兼嘔

惡或惡寒者加煨薑三五片

如氣虛脈微至

極者急加人參隨宜 如肝腎陰虛手足厥逆

加肉桂一錢

三才封髓丹拔萃 降心火益腎水滋陰養血潤而

不燥

天冬 熟地 人參五兩 黃蘗酒炒三兩 砂仁兩半 甘草

炙七錢半 麪糊丸用茯苓五錢切片酒一大盞浸

一宿次日煎湯送下

天冬以補肺生水人參以補脾益氣熟地以補腎滋陰以藥有天地人之名而補亦在上中下

之分使天地位育。參贊居中故曰三才也。喻嘉
言曰：加黃檗以入腎滋陰，砂仁以入脾行滯甘
草以少變天冬黃檗之苦，俾合人參建立中氣
以伸參兩之權，殊非好爲增益成方之比也。
除後三味等分煎名三才湯，治脾肺虛勞咳嗽
除前三味名鳳髓丹，治心火旺盛腎精不固
易於施泄。

當歸地黃飲

治腎虛腰腳疼痛等證

當歸

錢二三

熟地

錢三五

山藥

杜仲

錢二

牛膝

錢半

山

或方切用

補

卷三

當歸地黃飲

人參固本丸

五

五

黃錢炙甘草

分八

如下部虛寒加肉桂一二錢

甚者加附子

如多帶濁去牛膝加金櫻子二

錢或補骨脂一錢

如氣虛者加人參一二錢

枸杞子二三錢

人參固本丸

治肺勞虛極

肺主氣。氣者人身之根本也。肺氣既虛。火

又尅之則成肺勞。有咳嗽咯血肺痿諸證也。

人參

二兩天冬

麥冬

生地

四兩

熟地

蜜丸

肺主氣而氣根於丹田故肺腎爲子母之臟必水能制火而後火不刑金也二冬清肺熱二地

益腎水人參大補元氣氣者水之母也且人參之用無所不宜以氣藥引之則補陽以血藥引之亦補陰也

地黃醴治男婦精血不足營衛不充等證宜製

此常用之

大熟地

八兩曬乾以去水氣

枸杞

四兩用肥極者烘燥以去潤氣

沉香

錢一

或白檀三錢亦可

右約每藥一觔可用高燒酒十觔

浸之不必煮但浸十日之外即可用矣凡服此者不可過飲服完又加酒六七觔浸半月再用

參乳丸 大補氣血

人參末 人乳粉 等分蜜丸頓乳取粉法取

無病年少婦人乳用銀瓢或錫瓢傾乳少許浮

滾水上頓再浮冷水上立乾刮取粉用如攤粉

皮法按人乳乃陰血所化服之潤燥降火益血補虛所謂以人補人也然能溼脾滑腸

膈久服亦有不和宜者唯製為粉則有益無損須用一婦人之乳為佳乳雜則其氣雜又須旋

用經久則油損

人參大補元氣人乳本血液化成用之以交補
氣血實平淡之神奇也

歸腎丸 治腎肝真陰不足精衰血少腰痠腳軟

形容憔悴遺泄痿弱等證 此左歸右歸二方

之次者也

熟地八兩菟絲子製杜仲 枸杞子 茯苓 萸

肉 山藥四兩當歸三兩 煉蜜同熟地搗為丸桐

子大每服百餘丸饑時淡鹽湯送下

天王補心丹 終南宣律師課誦勞心 治思慮過

度心血不足怔忡健忘心口多汗大便或祕或

溇口舌生瘡等證 心者君主之官神明出焉思慮過度耗其心血則神明傷

而心勞。故怔忡健忘也。汗者心之液。心煩熱故多汗。心主血。血不足故大便燥而閉。或時澇者。心火燦肺金。肺熱而小水不利也。舌者心之苗。虛火上炎故口舌生瘡。怔忡者心惕惕然動不自安也。丹溪曰。怔忡大槩屬血虛與痰。經曰。血并於下。氣并於上。亂而善忘。又曰。盛怒傷志。志傷善忘。又曰。靜則神藏。躁則消忘。人不耐於事物之擾擾。其血氣之陰者將竭。故失其清明之體而善忘也。夫藥固有安心養血之功。不若寧心靜慮返觀內守。為尤得也。

生地

兩 柏子仁

炒研

當歸

洗酒

棗仁

天冬

去心

麥

冬

去心

五味

兩

人參

元參

丹參

桔梗

茯

苓

一用

遠志

肉錢五

蜜丸

彈子大

礞砂

為衣

臨

臥燈心湯

下一丸

或噙含化

一方有石菖蒲四

錢開心除痰。無五味子一方有甘草。

生地入心腎。滋陰而瀉火。故以為君。養陰所以配陽。取

濟之丹參當歸所以生心血。血生於氣。人參義也扶

苓所以益心氣。人參合麥冬五味。又為生脈散。

蓋心主脈。肺為心之華。蓋而朝百脈。百脈皆補

肺生脈。脈即血也。所以使天氣下降也。天氣下降。地氣上騰。萬物

乃天冬元參苦寒而瀉火。與麥冬同為滋水潤

燥之劑。遠志棗仁柏仁。所以養心神。而棗仁五

味酸以收之。又以斂心。氣之耗散也。桔梗清肺

利膈取其載藥上浮而歸於心故以為使硃砂色赤入心寒瀉熱而重寧神讀書之人有宜常服者今醫有謂此方可廢不如以都氣錠之亦屬臆見爾

贊化血餘丹 此藥大補氣血故能烏鬚髮壯形

體其於培元贊化之功有不能盡述者

血餘 熟地八兩何首烏小黑豆或人乳牛乳拌蒸七次如

胡桃肉 肉蓯蓉酒洗去鱗甲茯苓乳拌蒸熟小茴香炒略

巴戟肉酒浸剝杜仲鹽水洗菟絲製鹿角膠炒當

歸

枸杞

兩四人參

隨宜用無亦可

煉蜜

每服三五

錢食前白湯下

精滑者

加白朮山藥各三兩

便溏者去菰蓉加補骨脂酒炒四兩

陽虛

者加附子肉桂

孔聖枕中丹

千金

治讀書善忘久服令人聰明

易忘者心血不足而痰與火亂其神明也

敗龜板

酥炙龍骨研末入雞

遠志

九節菖蒲

等分爲末每服酒調一錢日三

龜者介蟲之長陰物之至靈者也龍者鱗蟲之

長陽物之至靈者也。假二物之陰陽以補吾身之陰陽。假二物之靈氣以助吾心之靈氣也。又人之精與志皆藏於腎。腎精不足則志氣衰不能上通於心。故迷惑善忘也。遠志苦泄熱而辛散鬱。能通腎氣上達於心。強志益智。菖蒲辛散肝而香舒脾。能開心孔而利九竅。去溼除痰。蒲為水草之精英。神仲之靈藥。又龜能補腎。元武龜蛇屬龍能鎮肝。青龍屬肝。肝藏魂。使痰火散而心肝寧則聰明開而記憶強矣。

養元粉

景

大能實脾養胃氣

糯米

一升水浸一宿

山藥

芡實

蓮肉

三兩

椒

去目及閉口者炒

共為末每日饑時以滾

水一碗入白糖三匙化開入藥一二兩調服之

或加使君子查肉各一兩亦可

大補陰丸

丹

治水虧火炎耳鳴耳聾欬逆虛熱

耳為腎竅耳鳴耳聾皆屬腎虛水不制火則為欬逆虛熱腎脈洪大不能受

峻補者

黃檗

鹽酒炒

知母

鹽水炒

熟地

敗龜板

酥炙六兩

豬脊髓和蜜丸鹽湯下

四者皆滋陰補腎之藥。補水所以降火。所謂壯水之主。以制陽光也。加脊髓者。取其能通腎命。以骨入骨。以髓補髓也。人身腎命系於脊骨。

斑龍丸 治虛損理百病駐顏益壽

鹿角膠 鹿角霜 菟絲子 柏子仁 熟地

黃 等分爲末酒化膠爲丸一方加補骨脂一方加鹿茸肉蓯蓉陽起石附子黃耆當歸棗仁辰砂亦名斑龍丸

鹿角膠霜菟絲熟地皆腎經血分藥也大補精
髓柏子仁入心而養心氣又能入腎而潤腎燥
使心腎相交心志旺而神魂安精髓充而筋骨
壯去病益壽不亦宜乎。鹿一名斑龍。睡時以首
向尾。善通督脈。是以多
壽。頭為六陽之會。茸角鍾於鹿首。豈尋常含血
之屬所可擬哉。成都道士常貨斑龍丸。歌曰。尾
間不禁滄海竭。九轉靈丹都謾說。唯
有斑龍頂上珠。能補玉堂關下穴。

元武豆 補腎之功甚大

羊腰子

五十箇

甘枸杞

二觔

補骨脂

一觔

大茴香

小

茴香

六兩

肉苁蓉

十二兩大便秘者去之

青鹽

八兩如無苁蓉此宜十二

兩 大黑豆圓淨者一斗淘洗

右用甜水二斗以砂鍋

煮前藥七味至半乾去藥渣入黑豆勻火煮乾
為度如有餘汁俱宜拌滲於內取出用新布攤
涼曬乾磁瓶收貯日服之若陽虛者加附子一
二兩更妙

龜鹿二仙膏

治瘦弱少氣夢遺泄精目視不明

精極之證

五勞之外又有六極謂氣極血極精極筋極骨極肌極也精生氣氣生神

精極則無以生氣故瘦弱少氣氣弱則不能生神故目既不明精氣不固水不能制火故遺洩而精愈耗也

鹿角

十觔龜板

五觔

枸杞

一觔

人參

一觔

先將鹿角龜

板鋸截刮淨水浸桑火熬成膠再將人參枸杞

熬膏和入每晨酒服三錢

龜為介蟲之長得陰氣最全

介蟲陰類

鹿角遇夏至

即解稟純陽之性

陰生即解

且不兩月長至一二十

觔骨之速生無過於此者

人身唯骨難長

故能峻補氣

血兩者皆用氣血以補氣血所謂補之以其類

也人參大補元氣枸杞滋陰助陽此氣血陰陽

交補之劑氣足則精固不遺血足則視聽明了

久服可以益壽豈特已疾而已哉李時珍曰龜鹿皆靈而壽

龜首常藏向腹能通任脈故取其甲以補心補腎補血以養陰也鹿首常返向尾能通督脈故取其角以補命補精補氣以養陽也

二至丸 補腰膝壯筋骨強腎陰烏鬚髮價廉而

功大

冬青子 即女貞實冬至日採不拘多少陰乾蜜酒拌蒸過一夜粗袋擦去皮曬乾為末

瓦甌收貯或先熬旱蓮草 夏至日採不拘多少搗汁熬膏和前藥為

早蓮膏旋配用臨臥酒服一方加桑甚乾為丸或桑甚熬

膏和入

女貞甘平。少陰之精。隆冬不凋。其色青黑。益肝補腎。時珍曰。女貞上品妙藥。古方罕用。何哉。旱蓮甘寒。汁黑入腎補精。故能益下而榮上。強陰而黑髮也。

蟠桃菓

治遺精虛弱。補脾滋腎最佳。

芡實

蓮肉去心膠棗肉

胡桃肉去衣

熟地

等

分以豬腎六個。摻大茴香。蒸極熟。同前藥末。搗成餅。每日服一個。空心食前。用滾白湯。或好酒。一二鍾送下。此方凡人參附子俱可。隨意加用。

扶桑丸

胡僧

除風溼。起羸。駐容顏。烏鬚髮。卻病。

戊子月補

卷三 蟠桃菓 扶桑丸

三

延年

嫩桑葉

去蒂洗淨暴乾一觔爲末

巨勝子

卽黑芝麻淘淨四兩

白蜜

一觔

將脂麻搗碎熬濃汁和蜜煉至滴水成珠入

桑葉末爲丸一方桑葉爲末脂麻蒸搗等分蜜

丸早鹽湯晚酒下

桑乃箕星之精其木利關節養津液其葉甘寒

入手足陽明涼血燥溼而除風巨勝甘平色黑

益腎補肝潤臟腑填精髓

陶隱居曰八穀之中唯此爲最

去風

溼去則筋骨強精髓充則容顏澤卻病烏髭不

亦宜乎

歌曰扶桑扶桑高入雲海東日出氣氤

結子如丹忽如奈綠葉英英翠可捫真人採竊
天地氣留與紅霞共吐吞濯磨入鼎即靈藥芝
術區區未可羣餐松已有神仙去我今朝夕
從此君藥今葉公願玉汝綠陰裏面有桃津

羊肉湯

韓祇和

治傷寒汗下太多亡陽失血惡人

踈臥時戰如瘧及產脫血虛

韓祇和曰若止救逆效必遲矣與羊

肉湯為效甚速病人色雖見陽是熱客上焦中
下二焦陰氣已盛若調得下焦有陽則上焦陽

氣下降丹田
知所歸宿矣

當歸

白芍

牡蠣

煅一兩

龍骨

錢五

附子

炮生

薑二兩

桂枝

七錢

每服一兩羊肉四兩加葱白

成方切用

補

卷三上

羊肉湯

益氣聰明湯

五

煮服

當歸芍藥以補其陰附子薑桂以復其陽龍骨
牡蠣以收其脫羊肉大補以生其氣血

益氣聰明湯

東垣

治內障目昏耳鳴耳聾

五臟皆稟氣於

脾胃以達於九竅煩勞傷中使冲和之氣不能上升故目昏而耳聾也李東垣曰醫不理脾胃及養血安神治標不治本是不明理也

黃耆

人參錢五葛根

蔓荊子錢三白芍藥

黃

槩

二錢如有熱煩亂春月漸加夏倍之如脾虛去之熱減少用

升麻錢半炙甘

草錢一

每四錢臨臥服五更再服

十二經脈清陽之氣皆上於頭面而走空竅因飲食勞役脾胃受傷心火太盛則百脈沸騰邪害空竅矣參耆甘溫以補脾胃甘草甘緩以和脾胃乾葛升麻蔓荊輕揚升發能入陽明鼓舞胃氣上行頭目中氣既足清陽上升則九竅通利耳聰而目明矣白芍斂陰和血黃蘗補腎生水蓋目爲肝竅耳爲腎竅故又用二者平肝補腎也

秦艽鼈甲散

謙甫

治風勞骨蒸午後壯熱咳嗽肌

瘦頰赤盜汗脈來細數風陽邪也。在表則表熱

蒸。午後甚者陰虛也。風火相搏則咳嗽。蒸久血枯則肌瘦。虛火上炎則頰赤。睡而汗出曰盜汗。

陰虛也。脈細為虛。脈數為熱。

鼈甲炙柴胡地骨皮兩秦艽知母當歸

五錢烏梅一箇青蒿五葉汗多重加黃耆

風生熱而熱生風非柴胡秦艽不能驅之使出

鼈陰類用甲者骨以及骨之義烏梅酸澀能引

諸藥入骨而斂熱青蒿苦寒能從諸藥入肌而

解蒸柴胡青蒿皆感少陽生發之氣。凡苦寒之藥多傷脾胃。惟青蒿芬芳入脾。獨宜於血。

虛有熱之人。知母滋陰當歸和血地骨散表邪兼清

裏熱又去汗除蒸之上品也。地骨退有汗之骨蒸。

黃耆鼈甲散。謙甫

治男女虛勞客熱五心煩熱四

肢怠惰咳嗽咽乾自汗食少或日晡發熱。五心

手心足心也。脾主四肢五心煩熱是心火陷於脾土之中宜升發火鬱四肢怠惰脾虛也。咳嗽肺火也。咽乾腎水不足相火上炎也。自汗陽虛也。食少脾胃弱也。日西潮熱肺虛也。

黃耆蜜炙鼈甲炙天冬五錢柴胡錢秦艽地骨皮

茯苓三錢桑白皮紫苑半夏芍藥生

地黃甘草炙知母三錢半人參桔梗肉桂

錢半 每兩加薑煎衛生減桂芍地骨名人參

黃耆散治同

鼈甲天冬芍地知母滋腎水而瀉肺肝之火以

養陰地黃知母滋腎水天冬瀉肺火鼈甲芍藥瀉肝火黃耆人參桂苓

甘草固衛氣而補脾肺之虛以助陽桑皮桔梗

以瀉肺熱半夏紫苑以理痰嗽紫苑潤肺止咳

故金匱治喉痺咽痛皆用半夏蓋辛能散亦能潤也秦艽地骨以散內熱

而除蒸柴胡以解肌熱而升陽此表裏氣血交

治之劑也

秦艽扶羸湯

指血

治肺痿骨蒸或寒或熱成勞咳

嗽聲啞不出體虛自汗四肢倦怠

肺痿有火熱傷肺而得之

者有肺氣虛寒而得之者骨蒸骨裏蒸蒸然熱陰虛也咳嗽陰火乘肺也或寒或熱陰陽不和也聲啞火鬱在肺也自汗倦怠心脾虛而衛氣不充也

柴胡

錢二

秦艽

人參

當歸

鼈甲

炙

地骨皮

錢半

甘草

炙

紫苑

半夏

錢一

加薑棗煎

此即前方加當

歸去黃耆茯苓生地芍藥天冬知母桑皮桔梗肉桂

柴胡秦艽散表邪兼清裏熱

秦艽

柴胡

解肌熱

秦艽

退骨蒸

鼈甲

炙

地骨皮

涼血

地骨滋血而退骨蒸

地骨皮

涼血

參草

補氣

當

歸

煎

服

法

同前

方

歸和血紫苑理痰嗽

潤肺除痰

半夏發聲音

肺屬金聲之所

從出也。有物實之則金不鳴。燥淫除痰則金清而聲自開矣。有聲嘶而啞者是肺已損也。難治

表裏交治氣血兼調為扶羸良劑

透肌解熱柴胡秦艽葛根

為要藥故骨蒸方中多用之。冠宗爽曰柴胡本經本無一字治勞甄權大明並言補虛勞醫家執而用之貽害無窮時珍曰勞有五若勞在肝膽心包有熱或少陽經寒熱則柴胡乃手足厥陰必用之藥勞在脾胃有熱或陽氣下陷則柴胡為退熱升清必用之藥唯勞在肺腎者不可用爾。冠氏一槩攢斥殊非通論。大抵柴胡能退熱升清宣暢氣血昔孫琳治勞瘵而曰熱有在皮膚在臟腑在骨髓在骨髓者非柴胡不除則柴胡亦有退骨蒸之力矣。況有滋補之藥以輔之乎。直指方又云柴胡退熱不及黃芩。不知黃芩乃寒能勝熱折火之本也。柴胡乃苦以

發之散火之標也。

百合固金湯

趙莖庵

治肺傷咽痛喘咳痰血

肺金受傷

則腎水之源絕腎脈挾咽虛火上炎故咽痛火上薰肺故喘咳痰因火生血因火通

熟地

錢三

生地

錢二

麥冬

錢半

百合

芍藥

炒生甘草

當歸

貝母

錢一元參

桔梗

八分

金不生水火炎水乾故以二地助腎滋水退熱

為君

肺腎為子母之臟故補肺者多兼補腎

百合保肺安神麥冬

清熱潤燥元參利咽喉而降火貝母散肺鬱而

除痰歸芍養血兼以平肝

肝火盛則尅金

桔梗清金功

成上部

載諸藥而上浮

皆以甘寒培元清本不欲以苦

寒傷生發之氣也

李士材曰：戴菴此方殊有卓見。然土為金母，清金之後，急

宜顧母，否則金終不能足也。醫貫曰：咳嗽吐血，未必成瘵也。服四物知榮之類不已，則瘵成矣。胸滿膨脹，悒悒不快，未必成脹也。服山查神麴之類不止，則脹成矣。面目浮腫，小便祕澇，未必成水也。服滲利之藥不止，則水成矣。氣滯膈塞，未必成噎也。服青皮枳殼寬快之藥不止，則噎成矣。

補肺湯

治肺虛咳嗽

有聲無痰曰咳，蓋傷於肺。氣也。有痰無聲曰嗽，蓋動

於脾，淫也。有聲有痰曰咳嗽，有因風因火因痰因澤因食因虛之異。此為肺虛不能生腎水，虛火上炎而咳嗽也。咳嗽脈浮為客邪，宜發散。脈實為內熱，宜清利。脈濡散為肺虛，宜溫補。久

嗽曾鍾解外。以致肺胃俱虛。飲食不進。宜溫中助胃。兼治嗽藥。

桑皮

蜜炙

熟地

錢二

人參

黃耆

蜜炙

五味

紫苑

錢一

入蜜少許和服

肺虛而用參者。脾為肺母。氣為水母也。

虛則補其

母。用熟地者。腎為肺子。子虛必盜母氣。以自養。

故用腎藥先滋其水。且熟地亦化痰之妙品也。

丹溪曰。補水以制相火。其痰自除。

咳則氣傷。五味酸溫能斂肺。

氣咳由火盛。桑皮甘寒能瀉肺火。紫苑辛能潤。

肺溫能補虛。合之而名曰補肺。蓋金旺水生咳。

嗽自止矣

此治肺虛咳嗽。若實火嗽者，禁用。劉宗厚曰：因勞而嗽，則非嗽為本也。故

此湯與金匱腎氣丸為少陰例藥。仁齋直指曰：肺出氣也。腎納氣也。肺為氣主。腎為氣本。凡咳嗽暴重，自覺氣從臍下逆上者，此腎虛不能收氣歸元，當用地黃丸。安腎丸。毋徒從事於肺。此虛則補子之義也。醫貫曰：五行唯肺腎二臟。母病而子受邪，何則？肺主氣，肺有熱，氣得熱而上。蒸不能下，生於腎，而腎受傷矣。腎傷則肺益病。蓋母藏子宮，子隱母胎。凡人肺金之氣，夜臥則歸藏於腎水之中。因肺受心火之邪，欲下遁水中，而腎水乾枯，有火無可容之地，由是復上而為病矣。

補肺阿膠散

錢乙

治肺虛有火嗽無津液而氣哽

者

火盛則津枯。津枯則氣哽。

阿膠蛤粉炒馬兜鈴焙甘草炙牛蒡子炒香杏

仁去皮尖糯米一兩

馬兜鈴清熱降火故入肺牛蒡子利膈滑痰

潤肺解熱杏仁潤燥散風阿膠清肺滋腎益血

補陰氣順則不哽液補則津生阿膠補血液火退而

嗽寧矣土為金母故加甘草糯米以益脾胃時珍

日補肺阿膠散用馬兜鈴非取其補肺取其清熱降氣而肺自安也其中阿膠糯米乃補肺之

正藥

紫苑湯海藏

治肺傷氣極勞熱久嗽吐痰吐血極氣

六極之一也。肺主氣。元氣虛則陰火盛。壯火食氣。陽成氣極。火炎肺系。故久嗽不已。甚則逼血

上行也。及肺痿癰癧。

紫苑洗淨炒阿膠蛤粉炒知母貝母錢一桔梗

人參茯苓甘草五分五味十二粒

勞而久嗽。肺虛可知。即有熱證。皆虛火也。海藏

以保肺為君。故用紫苑阿膠二藥潤肺補虛。消痰止嗽。以清

火為臣。故用知母貝母二藥辛寒。潤燥消痰。以參苓為佐

者。扶土所以生金。以甘桔為使者。載藥上行。脾

市桔梗載諸藥上行而能清肺。甘草輔人參補脾。五味滋腎。家不足之

水收肺家耗散之金。久嗽者所必收也。

王母桃

景岳

培補脾腎功力最勝。

白朮

味甘者佳苦者勿用米泔浸一宿切片炒

大懷熟

蒸搗二味等分

何首

烏

九蒸

巴戟

甘草湯浸剉炒

枸杞

減半

右為末煉蜜丸

龍眼大每服三四丸饑時嚼服滾湯送下或加

人參其功尤大

玉屏風散

治自汗不止氣虛表弱易感風寒也

者衛外而為固也陽虛則不能衛外故津液不固而易洩且畏風也此與傷風自汗不同彼責

之邪實此責之表虛故補焉各異

黃耆炙防風兩一白朮炒二兩為末每服三錢

黃耆補氣顓固肌表故以為君白朮益脾脾主

肌肉故以為臣防風去風為風藥卒徒而黃耆

畏之故以為使以其益衛固表故曰玉屏風李東

垣曰黃耆得防風而功益大取其相畏而相使

也準繩曰卒中偏枯之證未有不因真氣不週

而病者故黃耆為必用之君藥防風為必用之

臣藥黃耆助真氣者也防風載黃耆助真氣以

週於身者也亦有治風之功焉許胤宗治王太后中風口噤煎二藥薰之而愈况服之乎

前藥等分煎名黃耆湯潔古用代桂枝湯治春

夏發熱有汗脈微弱惡風寒者惡風甚加桂枝

又用川芎蒼朮羌活等分名川芎湯以代麻黃

湯治秋冬發熱無汗惡風寒者惡寒甚加麻黃

妙香散王荆公

治夢遺失精驚悸鬱結腎主藏精

邪火妄行。心腎不交。上實下虛。則夢中遺失。心虛神擾。故多驚悸。憂思氣滯。則成鬱結。

山藥薑汁炒人參黃耆遠志炒茯苓一

神一兩桔梗錢三木香二錢辰砂另研甘草錢二麝香錢一

為末每服二錢酒下

心君火也君火一動相火隨之相火寄於肝膽

腎之陰虛則精不固肝之陽強則氣不固陽即邪火

也。故精脫而成夢矣。

準繩曰病之初起。亦有不

不足者。然必傳於肝腎。而精乃走也。又曰。心腎是水火之臟。法天地施生化成之道。故藏精神。爲五臟之宗主。若由他臟而致腎之泄者。必察四屬以求其治。大抵精自心而泄者。血脈空虛。本縱不收。自肺而泄者。皮槁毛焦。喘急不利。自脾而泄者。色黃肉消。四肢懈怠。自肝而泄者。筋痿色青。自腎而泄者。色黑髓空而骨髓。即脈亦可辨也。丹溪曰。主閉藏者腎也。司疎泄者肝也。二臟皆有相火。而其系上屬於心。心君火也。爲物所感。則易於動。心動則相火翕然隨之。雖不交會。而精亦暗流而滲漏矣。所以聖賢只是教人收心養性。其旨深矣。

山藥益陰

清熱兼能潛精。故以爲君。人參黃耆。所以固其氣。遠志二茯。所以寧其神。神寧氣固。則精自守。

其位矣。且二茯下行利水。又以泄腎中之邪火。

也。桔梗清肺散滯。木香疎肝和脾。

行氣故疎肝。肝疎則木不

尅土而

脾和。丹砂鎮心安魂。麝香通竅解鬱。二藥又

能辟邪。亦所以治其邪感也。加甘草者。用以交

和乎中。猶黃婆之媒嬰姪也。

黃婆。脾也。嬰兒。是姪女。心腎也。

方不用固瀊之劑。但安神正氣。使精與神氣相

依而自固矣。以其安神利氣。故亦治驚悸鬱結。

妻全善曰。詳古治夢遺方。屬鬱滯者。居大半。庸醫不知其鬱。但用瀊劑固脫。愈瀊愈鬱。其病反

甚矣。

參苓白朮散

治脾胃虛弱飲食不消或吐或瀉

土為萬物之母脾土受傷則失其健運之職故飲食不消兼寒則嘔吐兼溼則濡泄也飲食既少衆藏無以稟氣則虛羸日甚諸病叢生矣。

人參

白朮

土炒

茯苓

甘草

炙

山藥

扁豆

薏仁

蓮肉

去心

陳皮

砂仁

桔梗

為末每

三錢棗湯或米飲調服

治脾胃者補其虛除其溼行其滯調其氣而已

參朮苓草山藥薏仁扁豆蓮肉皆補脾之藥也然茯苓山藥薏仁理脾而兼能滲溼砂仁陳皮

調氣行滯之品也。合參朮苓草，煖胃而又能補

中。陳皮砂仁入桔梗苦甘入肺，能載諸藥上浮。

補藥而宣滯

又能通天氣于地道。肺和則天氣下降。使氣得升降而

益和，且以保肺，防燥藥之僭上也。

休癯飲。此止癯最妙之方也。若汗散既多，元氣

不復，或以衰老，或以弱質，而癯有不能止者，俱

宜用。此化暴善後之第一方也。

人參 白朮炒 當歸各三錢 何首烏製 炙甘草

八分 用陰陽水各一盞，煎七分，露一宿，次早溫

服如陽虛多寒宜溫中散寒者加乾薑肉桂之類甚者或加製附子如陰虛多熱煩渴喜冷宜滋陰清火者加麥冬生地芍藥甚者加知母或加黃芩如腎陰不足水不制火虛煩虛餒腰痠腳軟者加熟地山藥杜仲之類如邪有未盡而留連難愈者于此方加柴胡麻黃細辛紫蘇之屬自無不可如氣血多滯者或加酒水各一盞煎服藥後飲酒數杯亦可去白木甘草加生薑陳皮名何人飲治同

吳氏醫學述第四種成方切用目錄

卷二下

瀉固門

正方二十四
附方四

赤石脂禹餘糧湯

桃花湯

訶子散

河間訶子散

隄丸

真人養臟湯

脫肛方

牡蠣散

柏子仁丸

固真丸

金鎖固精丸

珍珠粉丸
豬苓丸

蒼朮菟絲丸

治濁固本丸

祕元煎

固陰煎

茯苓丹

菟

絲煎

水陸二仙丹

黏米固腸糕

惜紅煎

桑螵蛸散

人參樗皮散

玉關丸

四神丸

見

寒二神丸

見寒門

如聖散

見經帶門

撲汗法

吳氏醫學述第四種

武原吳儀洛遵程輯

門人周蘭九生庭

男

有榆蒼培同較
有杜雋望

成方切用

潛固門

也。十劑曰。潛可去脫。壯蟻龍骨之屬是也。如久嗽為喘而氣泄於上者宜固。

其肺尤宜急固。其腎所謂上病下取也。久遺成淋而精脫於下者宜固。其腎尤宜兼固。其氣所謂下病上取也。小水不禁者宜固。其膀胱大便不禁者宜固。其腸腑汗泄不止者宜固。其皮毛血泄不止者宜固。其營衛凡因寒而脫者當重溫補。有火而滑者當佐以清。

涼總之在上在表者皆宜固氣氣主在肺也。在下在裏者皆宜固精精主在腎也。

赤石脂禹餘糧湯

仲景

治傷寒服湯藥下利不止

心下痞

更

服瀉心湯

已復

以他藥下之

利不止

已上言再治之誤

醫以理中與之利益甚

言愈誤也

理中者

理中焦此利在下焦赤石脂禹餘糧湯主之復

利不止者當利其小便

難經曰中焦中脘主腐熟水穀下焦者當膀胱

上口主分別清濁主出而不內以傳道也靈樞

曰水穀者常并居於胃中成糟粕而俱下於大

小腸而咸下焦滲而俱下濟泌別汁循下焦而

滲入膀胱焉然則利在下焦者膀胱不滲而下

焦滑脫也餘糧甘平消痞硬而鑲臟腑石脂甘

溫固腸虛而收滑脫乃利仍不止者膀胱不滲

而水穀不分也。利小便者，導其水而分消之，使膀胱各行其所有事也。

赤石脂一觔

禹餘糧一觔

水六升，煮二升，去

渣分三服。

瀉可去脫，重可瀉下。二物瀉以止脫，重以固下。

甘以益氣。

李先知云：下焦有病，人難食，須用餘糧、赤石脂。

桃花湯

景仲

治少陰病二三日，至四五日，腹痛小

便利，下利不止，便膿血者。

喻嘉言曰：腹痛小便利，下利不止，少陰熱邪也。而不利不止，便膿血，則下焦滑脫矣。滑脫即

不可用寒藥，故取乾薑、石脂之辛溫以溫經固

脫，而加粳米之甘以益中州，蓋治下利必先中氣不下，降則滑脫無源而自止也。

六寸瀉

桃花湯

二

赤石脂

一觔一牛全用一半

乾薑

兩一粳米升

水七升

煮米熟去渣內石脂末方寸七日三服若一服

愈餘勿服

此少陰傳經熱邪也陰經循行於裏故腹痛下

利仲景反用石脂乾薑之溫灑何意蓋下利至

於不止熱勢已大衰而虛寒滋起矣故非固脫

如石脂不可且石性最沉味澀易滯故稍用乾

薑之辛散佐之用粳米獨多者取其和中而養

胃也石脂用半全半未以全用則氣味不出純

傷寒便膿
血皆是何
經熱邪成
無已釋為
寒熱誤矣
玉膏堂吳
鶴皋非之
是也程郊
倩以為火
衰不能生
土母乃在
平注詞本

未經臨證
所見每囑
一屏其是
成程而非
王吳無足
怪也

未又難於下咽所以斟酌其當而為之者也

訶子散

東垣

治虛寒泄瀉水穀不化腸鳴腹痛脫

肛及便膿血日夜無度

御米殼

去帶蜜炒五分

訶子

煨去核七分

乾薑

炮六分

橘紅

五分

右末空心服

御米殼酸澁微寒固腎瀉腸訶子酸澀苦濕收

脫住瀉炮薑辛熱能逐冷補陽陳皮辛溫能升

陽調氣共以固氣脫亦可收形脫也

泄瀉為氣脫脫肛為

形脫

河間訶子散訶子一兩半生半煨木香錢五甘草錢二黃連

錢三為末每服三錢用白朮芍藥湯調下治瀉久

腹痛漸已瀉下漸少以此止之如不止加厚朴

一兩竭其餘邪唯積滯未清者宜之

輦隄丸治膀胱不藏水泉不止命門火衰小水

不禁等證

熟地菟絲酒製白朮炒二兩韭子炒破故紙酒炒益

智仁酒炒北五味熟附子一兩茯苓一兩為末山

藥糊丸桐子大每服百餘丸空心滾湯或酒下

如氣虛加人參一二兩更妙

真人養臟湯

謙甫

治瀉痢日久赤白已盡虛寒脫

工。肝門為大腸之使。大腸受熱受寒。皆能脫肛。月。大腸者傳導之官。腎者作強之官。酒色過度。則腎虛而泄。母氣肺因。以虛大腸氣無所主。故脫肛。小兒血氣未壯。老人血氣已衰。皆易脫肛。亦治下痢赤白。臍腹疼痛。日夜無度。

罌粟殼

去蒂蜜炙

訶子

麩裏煨一兩二錢

肉豆蔻

麩裏

錢

木香

二兩四錢

肉桂

八錢

人參

白朮

炒

當歸

六錢

芍

炒一兩六錢

生甘草

一兩八錢

每服四錢。臟寒加附

子一方無當歸

脫肛由於虛寒故用參朮甘草以補其虛肉桂
 肉蔻以祛其寒木香溫以調氣當歸潤以和血
 芍藥酸以收斂訶子罌殼則瀉以止脫也此虛
升提之。又有氣熱血熱而肛反挺出者宜用升
升柴芫防之類。
升柴芫防之類。

丹溪脫肛方人參黃耆當歸川芎升麻此治氣
而脫
升者

牡蠣散

治陽虛自汗

醒而汗出曰自汗

牡蠣

研

黃耆

麻黃根

錢一

浮小麥

百粒

煎服

陳來章曰汗爲心之液心煩熱則汗不止牡蠣
浮小麥之鹹涼去煩熱而止汗陽爲陰之衛陽
氣虛則衛不固黃耆麻黃根之甘溫走肌表而
固衛

柏子仁丸

治陰虛盜汗

睡而汗出曰盜汗屬陰虛者居多

柏子仁

炒研去油三兩

人參

白朮

半夏

五味子

牡蠣

麻黃根

一兩五錢

棗肉丸米飲下

五十九日三服

陳來章曰心血虛則睡而汗出柏子仁之甘辛

平養心寧神為君。牡蠣麥麩之鹹涼。靜躁收脫。為臣。五味酸斂收瀼。半夏和胃燥溼為佐。淫能作汗。麻黃根專走肌表。引人參白朮以固衛氣為使。

固真丸 治夢遺精滑

菟絲子

一觔淘洗淨用。好酒浸三日。煮極熟。搗膏。曬乾。或用淨白布包蒸亦佳。

牡

蠣煨

金櫻子

熟蒸。扶苓。曬四兩。

蜜丸。空心好酒

送下三錢。或鹽湯亦可。

金鎖固精丸

治精滑不禁。

精滑者。火炎上。而水。趨下。心腎不交也。

沙苑蒺藜

芡實

蒸蓮鬚。

龍骨

炙牡蠣。鹽水。

日夜燉
粉一兩

蓮肉粉為糊丸鹽湯下

茯苓補腎益精蓮子交通心腎牡蠣清熱補水

芡實固腎補脾合之蓮鬚龍骨皆潛精祕氣之

品以止滑脫也

治遺精大法有五。心神浮越者辰砂。絃石。龍骨之類鎮之。痰飲

擾心者猪苓丸之類導之。思想傷陰者潔古珍

珠粉丸。黃蘗蛤粉等分。滋陰降火。思想傷陽者

謙甫薦茸。茯苓。絲絲等補陽。陰陽俱虛者丹溪

作心虛治。用珍珠粉丸定志丸補之。附本事猪

苓丸。猪苓末二兩。先將一半炒半。夏令黃。取半

夏為末。糊丸。更用猪苓末一半。同炒微裂。砂瓶

養之。申未間。空心酒鹽湯任下。釋曰。半夏有利

性。猪苓導水。蓋腎閉導氣使通之意也。定志丸

見眼
目門

苓朮菟絲丸 治脾腎虛損不能收攝以致夢遺

精滑困倦等證

菟絲子酒蒸或五、六兩或七八兩蓮肉去心白朮 茯苓四兩杜

仲酒炒山藥二兩五味酒蒸炙草錢五右用山藥

末以陳酒煮糊為丸桐子大空心白滾湯或酒

下百餘丸 如氣虛不能收攝者加人參三四

兩尤妙

治濁固本丸 治胃中溼熱滲入膀胱下濁不止

淋病在濁。或屬肝膽部。濁病在精。或屬腎膀胱部。或由山淫熱。或由虛寒。大抵熱者多而寒者少。

赤屬血。白屬氣。或由敗精瘀血。壅塞竅道。痛澀異常。非是熱淋。不宜用淋藥治。

甘草

炙三兩

豬苓

黃連

蓮鬚

二兩

黃檗

益智

仁

砂仁

半夏

薑製

茯苓

一兩

精濁多由溼熱與痰。黃連瀉心火。黃檗瀉腎火。

所以清熱二苓所以利溼半夏所以除痰溼熱

多由於鬱滯砂仁益智辛溫利氣又能固腎強

脾既以散留滯之氣且稍濟連檗之寒甘草和

中而補土唯蓮鬚之濇則所以固其脫也

朱丹溪曰

巢氏原病候論曰白濁者由勞傷腎腎氣虛冷故也歷代宗其說不唯白濁之理不明所治之

法亦悞。不思內經本無白濁之名。惟言少陰在泉客勝。溲便變。少陽在泉客勝。則溲白。又言思。想無窮。入房太甚。發爲白淫。與脾移熱於腎。出白。二者皆隨溲而下。夫非白濁之源乎。原病式。因舉內經。謂諸病水液渾濁皆屬於熱。言天氣熱。則水渾濁。寒則清潔。可謂發聖人之旨。以正千載之誤矣。予嘗聞先生論赤白濁。多由溼熱下流。膀胱而成。卽靈樞所謂中氣不足。溲便爲之變是也。必先補中氣。使升舉之。而後分其臟腑氣血。赤白虛實。以治。其他邪熱所傷。固在溼熱補虛。設腎氣虛甚。或火熱亢極者。則不宜過用寒涼。必以反佐治之。要在權衡輕重而已。葉氏曰。遺精多作腎虛。補瀝之而罔効。不知此因脾胃溼熱所乘。飲酒厚味。痰火之人。多有此疾。腎雖藏精。其精本於脾胃。飲食生化而輸於腎。若脾胃受傷。溼熱內鬱。使中氣滯而不精。則所輸皆濁氣。邪火擾動。水不得而安靜。故令遺精也。

祕元煎 治遺精帶濁等證此方專主心脾

金櫻子去核 棗仁炒 芡實炒 山藥炒 白朮炒 茯苓

神錢半 人參錢一二 炙甘草錢二 遠志八分 五味子十粒

水煎食遠服

此治久遺無火不痛而滑者可用之 如尙覺

有火熱者加苦參一二錢 如氣大虛者加黃

耆一二錢

固陰煎 治陰虛滑泄帶濁淋遺及經水因虛不

固等證此方專主肝腎

熟地錢三五 菟絲子炒二錢 山藥炒二錢 萸肉錢一 甘草

炙一錢 遠志炒七 五味子粒十四 人參宜隨 水煎食

遠服 如虛滑遺甚者加金櫻二三錢或醋炒

文蛤一錢或烏梅二個 如陰虛微熱而經血

不止者加川續斷二錢 如下焦陽氣不足而

兼腹痛泄瀉者加補骨脂吳茱萸之類隨宜用

之 如肝腎血虛而小腹痛血不歸經者加醋

炒當歸二三錢 如脾虛多溼或兼嘔惡者加

白朮一二錢 如氣陷不固者加炒升麻一錢

如兼心虛不眠或多汗者加棗仁二錢炒用

扶菟丹

方局

治遺精白濁及強中消渴

心腎為水火之臟法

天施地生之道。心神傷則火動。火動不已。則腎水受傷。腎主藏精。所受五臟六腑輸至之精。皆不得藏。而時下矣。故為遺精夢泄。戴氏曰。遺精有因用心過度。心不攝腎。以致失精者。有思色慾不遂。致精失位。輸泄而出者。有白慾。精滿而泄。泄不禁者。亦有年壯氣盛。久無白慾。精滿而泄者。赤濁屬血。由心。小腸屬火也。白濁屬氣。由肺。大腸屬金也。渴證。下消者。莖長典盛。不交精出。名強中。腎水虧。心火亢也。

菟絲子

兩

五味子

兩

山藥

六兩

白茯苓

石蓮肉

三兩

將菟絲用酒浸過餘酒煮山藥糊丸漏

精鹽湯下赤濁燈心湯下白濁茯苓湯下消渴
米飲下

菟絲辛甘和平。強陰益陽。能治精寒淋渴。五味
滋腎生津。石蓮清心止濁。山藥健脾利溼。皆澀
精固氣之品也。茯苓能通心氣於腎。利小便而
不走氣。取其淡滲於補正中。能泄腎邪也。

菟絲煎 治心脾氣弱。凡遇思慮勞倦。卽苦遺精
者。宜此主之。

山藥

錢二

棗仁

炒

茯苓

一錢

當歸

錢半

人參

二三錢

製菟絲子

炒四錢

炙甘草

一錢或五分

遠志肉

製四分

鹿

角霜

為末每用加四匙

水煎加鹿角霜末食前調

服或加白朮二三錢

水陸二仙丹

治遺精白濁

精與濁所出之竅不同。便濁即是膏淋。肝

膽之火也。精濁乃精氣滑出。不便亦然。此腎水不足。淫火薰蒸。故精離其位也。

金櫻膏

取半黃者熬膏一觔。熟則全甘而失澀味。

芡實

一觔蒸熟為粉。

和

丸鹽酒下。

金櫻芡實甘能益精潤能滋陰。瀉能止脫。一生

於水一生於山故名水陸二仙丹。

黏米固腸糕

治脾胃虛寒或因食滯氣滯腹痛

泄瀉久不止者多服自効

白糯米滾湯淘洗炒香熟爲粉每粉一兩加乾
薑炒熟者二分半白糖二錢拌勻於饑時用滾
水調服一二兩如帶微滯者加陳皮末二分或
砂仁一分一法用陳老米粉亦妙

桑螵蛸散

冠氏

治小便數而欠

數便頻也欠便短也溺雖出於膀胱

然泌別者小腸也小腸虛則便數小腸熱則便短

能安神魂補心氣療

健忘

人參 茯苓一用 遠志 石菖蒲鹽炒 桑螵蛸鹽水

龍骨煅 龜板酥炙一用 當歸 等分爲末臨

臥服二錢人參湯下

虛則便數故以螵蛸龍骨固之竝能補腎澀精 熱則便

欠故以當歸龜板滋之人參補心氣菖蒲開心

竅茯苓能通心氣於腎遠志能通腎氣於心竝

能清心解熱心者小腸之合也心補則小腸不

虛心清則小腸不熱矣

惜紅煎 治婦人經血不固崩漏不止及腸風下

血等證

白朮

山藥

錢二

白芍藥

酒炒一錢五分

荊芥穗

炒

地榆

川續斷

炒一錢

炙甘草

錢一

北五味

十四粒

烏梅

二箇

水煎食遠服

如火盛者加黃芩黃連

如

脾虛兼脾泄者加破故紙人參

人參

治臟毒挾熱下血久痢膿血不止

挾熱者謂挾客熱及飲酒煎炒薰炙之熱也久痢不止氣虛滑脫也

人參

槲根白皮

東引者去粗皮醋炙

等分爲末米飲

或酒調下

人參之甘以補其氣。樗皮之苦以燥其溼。寒以解其熱。瀉以收其脫。使虛者補而陷者升。亦劫劑也。初起勿用。

玉關丸 治腸風血脫崩漏不止帶濁不固諸藥難効者宜用此方兼煎藥治之及瀉痢滑泄不能止者

白麴

炒熟四兩

枯礬

文蛤

醋炒黑二兩

北五味

一兩 訶子

二兩半生半熟

共爲末熟湯和丸桐子大以溫補脾

腎等藥隨證加減煎湯送下或人參湯亦可如

血熱

京藥送下

撲汗

凡自汗不止者用龍骨牡蠣糯米等分

爲

絹袋盛週身撲之卽止